

上海黑幕彙編

卷二
細目

- 2 鴻福券之黑幕……………莊天吊
券券都是一等 定報得金表
- 3 橡皮股票之黑幕……………江頭人
託銀行代售股票 票價節漲
三次收回再出售
- 4 騙客之黑幕……………江頭人
信用漸佳 加入壞蛋 三次行騙
人不能覺
- 5 藥房之黑幕……………生可
專賣假藥 賓主交關 騙得手據
逍遙法外
- 6 當票之黑幕……………雲階
拾來當票 有意遺失 朝奉失眼
生意不佳

- 1 牌九之黑幕……………莊天吊
認牌法 看理法 掉牌法 使骰法
- 2 牌九之黑幕……………老上海
小齣險之內容 愛衆始創時代
發達時代 將倒時代 倒閉時代
賭
1 缸口
團 銀 老 提
量天尺 飛子 一聲雷
防捕 正賭
恭綬
黑幕……………恭綬
外部分肥 外部分肥

上海黑幕彙編

卷二
細目

2 鴻福券之黑幕……………莊天吊

券券都是一等 定報得金表

3 橡皮股票之黑幕……………江頭人

託銀行代售股票 票價節漲

三次收回再出售

4 媚客之黑幕……………江頭人

信用漸佳 加入壞蛋 三次行騙

人不能覺

5 藥房之黑幕……………生可

專賣假藥 賓主交關 騙得手據

逍遙法外

6 當票之黑幕……………雲階

拾來當票 有意遺失 朝奉失眠

生意不佳

小壽險之內容 愛衆始創時代

發達時代 將倒時代 倒閉時代

小壽險之內容

賭

1 缸口

黑幕……………恭綬

團 部分肥 外部分肥

銀 防捕 正賭

老 量天尺 飛子

提 螺 攝子 一聲雷

賭 黑幕

1 牌九之黑幕(一)……………莊天吊

認牌法 看理法 掉牌法 使假法

2 牌九之黑幕(二)……………老上海

上海黑幕彙編 卷二 錢可生編

郎中 預知大小 手術掉牌

3 牌九之黑幕(三)……………西君

牌九師父 至尊作別十

4 麻雀之黑幕(一)……………莊天吊

手令口令 香煙火柴

5 麻雀之黑幕(二)……………懺生

開相 天打 練習次度

6 麻雀之黑幕(三)……………吳君

一吃三 麻雀脫靴

7 搖攤之黑幕(一)……………莊天吊

大傢生 小傢生 車輪 纜子

8 搖攤之黑幕(二)……………西君

以勝爲敗 欲取姑與

9 搖攤之黑幕(三)……………西君

吸錢石 帽沿祕密

10 搖攤之黑幕(四)……………曲士

骰子灌鉛汁 足趾藏吸鉄石

易盆蓋

11 搖攤之黑幕(五)……………姥閣

無錫骰子 前後藏將軍

12 搖攤之黑幕(六)……………老上海

鳳凰三點頭 趨避三法

13 擲骰之黑幕(一)……………老上海

提牛頭

14 擲骰之黑幕(二)……………柳奄

一色五子分相 六六六六六六

15 撲克之黑幕……………字鶴

四副大牌

16 猜拳之黑幕……………天傭

握錢必贏

17 S 黨之黑幕……………恭綬

內容 黨魁王了壽傳 賭博法

士丹荷之老遷

18 摘局之黑幕……………天任

資格 嶄安 内幕 買票 口福

錢可生編 上海黑幕彙編 卷二 細目

19 秘密窟之黑幕……………莊天吊

天地人我 隨心所欲 欲得鉅款
必備鉅本 手術掉位 鉅本立去

局賭之黑幕

1 局賭之黑幕(一)……………周道亨

遊方和尚 和尚嫂嫂

2 局賭之黑幕(二)……………周道亨

輪船誘賭 漏底棺材

3 局賭之黑幕(三)……………天傭

臨時賭地 先笑人愚 後爲人笑

4 局賭之黑幕(四)……………字鶴

茶販游滬 串騙鉅款

5 局賭之黑幕(五)……………曲士

忽來千金 果是贗鼎 吞聲飲泣

6 局賭之黑幕(六)……………曲士

款用鉛殼 再費鉅款

7 花會之黑幕……………柳菴

大筒 聽筒 航船 賭客

游民之黑幕

1 流氓之黑幕……………莊天吊

講斤頭 裝準頭 門人頭 包開銷

擺丹老 索陋規 硬爬 放三四

拔人 附亂八壞話表

2 癩三之黑幕……………生可

拆梢 擺地賭 包打人 半夜乞丐

唱蓮花落 收舊貨 賣秘戲冊

包討債 硬爬 推上橋人力車

沿街小偷 造屋陋規 紅白 搶火

抖路

3 對買賊之黑幕……………子安

命名 原始 團結 技倆 銷賊

4 放印債之黑幕……………生可

戲牌頭 種類 跑街 鞋襪錢 日

日還 三日還 收取 送還

放債機關 一件因借印子錢而自盡的慘劇

娼妓之黑幕

1 野雞之黑幕(一)……………新

出身 種類 等級 裝束 謔符
迷信 攤房間 燒財香 攀冷脚
騙邪祟 燒路頭 做生日 情愛
老鴿之酷刑

2 野雞之黑幕(二)……………竈莽

巨商之媳 見誘拆白 住家野雞

3 野雞之黑幕(三)……………似僧

熄燈小解 老小掉包

4 番菜飯之黑幕……………竈莽

秘密室 每菜一元

5 小房子之黑幕……………雪濤

鴿婦之密室 弄男挾持裸女 美女
兩股上板花

6 台基之黑幕(一)……………雲階

拉馬 門莊貨 借房間

7 台基之黑幕(二)……………半醉

入門 招待 提貨 打炮 卜晝

8 台基之黑幕(三)……………公舞

小姊失身 磁石吸錢 反間計
移花接木

9 台基之黑幕(四)……………公舞

計誘少女 秘密事成

10 台基之黑幕(五)……………挈父

皮條買辦 出售彩票 寡婦失節

11 私窩子之黑幕……………雲階

喬裝家婦 幸喜夫未歸

可生編

上海黑幕彙編

生可重編

市會之黑幕第五

銀券之黑幕

生可重編
潤文述

數年前滬上盛行一種介紹券騙人入彀其結果影響於社會者頗大創斯券者爲一某國人設滑頭銀銀行於某馬路發行銀券而其玄妙之所在卽在介紹二字能使一般人竭力爲之推廣騙局無容自己煩心費力是真市會中之想入非非者矣要點所在試申說之

某國人預設一鐘錶行於某馬路大登廣告發行一種公利券廣告中之標目則冠以寥寥無幾之數大字曰（諸君亦欲不費分文而得值洋四十元之金銀一枚乎）下文則加以小注曰（諸君如欲得者請移玉某路某洋行內取閱詳章自能各得如願以去）廣告發佈後一般貪小利者見之莫不心動而欲探知不費分文而得金銀之內容紛紛至某洋行探詢並索取章程則見有華人一正閒坐賬房以待有以索取章程來者卽向之反覆演說得銀之理由其詞略謂此券乃依照某國商人鼓勵主顧之善法今予（演說者自稱）購有本行公利券一冊並金銀一枚在此每冊內分四十券每券代價洋一元不論何人凡向本行購券一冊者例可得值洋四十元之金銀一枚今鄙人既已得銀自

願將此冊四十券每人一券盡數贈諸來人諸君得券之後即可作洋一元連同應納之費三十九元亦向本行購券一冊即可得值洋四十元之金錶一枚在諸君志在得錶本無需乎此券今既錶與券並爲諸君所得可卽將券轉售他人每券一元仍得四十元之原數豈非不費分文而得金錶乎且現在諸君所得之券既爲予所贈送則得錶以外反可盈餘一元天下便宜之事無逾於此云云諸人聞之大悅遂各出洋購券取錶而出（按所謂金錶者銅壳鍍金不過值洋十餘而已）散出後各自傳說各將得錶理由廣爲宣佈竭力勸人往購並將所得之四十券每人一券介紹於友輩友輩得券亦多如法泡製購券取錶（按此中最幻之黑幕在行中定例凡欲得錶者須先向他人購得零券一紙然後持券再向行中購買整券方可得錶如無零券卽不得享得錶之權利此其用意蓋爲保護前一批購券者之出脫地步否則恐此黑幕將有推廣不開之患也）及第二批人得錶以後復將購得之四十券竭力兜銷（按初二三批之購券者如能將券介紹無遺確能不費分文而得一錶然而後來者則不堪問矣）自是以後第三批四批以達於十批百批閱者諸君試闔目靜心爲之一算姑無論十批百批也卽以三批五批而論錶券之推銷達若干人蓋以一人得錶卽有四十人向之購券（二批）四十人如欲各得一錶卽有一千六百人向之購券（二批）一千六百人如欲各得一錶卽有六萬四千人向之購券（三批）六萬四千人如欲各得一錶卽有二百五十六萬人向之購券（四批）我僅爲

之遞推至第四批而該行已得二百五十六萬元之巨款甯非可驚可駭之事且此券之黑幕實屬筆難盡述蓋尙有種種間接之黑幕在也吾友某君自見此廣告後亦曾至該洋行索取章程並得零券一紙旋即輸出三十九元而得券一冊錄一事回寓後適與鄙人遇遂告以得錄始末並力勸余分購一券同享權利予以此種錄券必爲滑頭營業之一種惟因友誼攸關不便拒絕故亦勉允其請而留其一券（此卽該行最幻最毒之黑幕）不數日聞此友其餘之三十九券居然盡罄友慰甚當詢予曾否往購整券予應之曰未友曰然則君所購得之一券毋乃廢棄乎甯勿可惜予曰一券事小予若購得整券則將有四十人爲予所累矣友聞之曰噫君何所見之小也君豈不知彼四十人亦能各得金錢乎何累之有予笑領之某星期日予至某茶肆啜茗見往來者甚衆大都手持一券你推我讓盡力介紹耳中所聞無非讚揚得錄之便宜予大奇之竊思此券發現以來尙未半月不意推廣之速蔓延之甚一至此也厥後每遇相識亦無不各以介紹券進予善言婉却幾至舌敝而唇焦厥後至不敢越校門一步蓋深恐或遇感情素厚者在勢不便拒却之也此外又有著名偵探某某者資格既老交游最廣卽彼手下之無數三光麻子（因彼等之生活大都吃光用光當光故號之曰三光也）經手原被告等與之相識者不下數千人之多該探自聞有此錄券後卽至某洋行購券數十冊遇一相識者予以三券或五券交淺者則一人一券更至燕子窩鹹肉莊等諸穢濁地各照其局面之大小而以

銀券平均分配之（按此等地方偵探前往兜派銀券蓋有不敢不接受之勢也）不數日得銀至數十枚之多以滬上全埠計之偵探三光之多幾如牛毛一人如是他人未必不如是嗚呼上海社會我儕既寄身於此八方奸詐之局中而欲絕不受其影響固無怪憂憂乎其難矣噫嘻

生可曰自銀券發現後一時類似之券如鐘也戒也千里鏡也丸藥品也接踵而起蓋一般市僧因見該行發達神速亦遂互相倣效之推行之然而此種滑頭事業其獨一之祕法即在新奇而特創（如函授小保壽等皆是）如曰襲人成法則其結果未有不一敗塗地者故各種滑頭券進行之神速雖甚可驚而不半年間均已銷聲匿跡婦孺咸知其爲局騙矣

鴻福券之黑幕

莊天吊述
生可潤文

鴻福券者某界某某小報館主之手筆也該館忽於某某等日隨報分贈彩券一紙美其名曰鴻福券贈券章程分三等一等送金銀一只二等送銀杯一只三等送銀筷一雙價值自六十元以迄數元不等但其贈出之券並不明分等次而令各得券者攜券回家烘之以火始有等次之綠字顯出（其法以口水蘸筆書於白券之上初視之並無痕跡以火烘之即顯）在贈券者表面之用意以爲如此辦法除執筆者外即館中司券者亦無從知其爲頭二三等藉以表示大公不知個中黑幕言之大足驚人蓋一般拜領彩券者得券之後就火烘之甲券一等乙券亦一等丙券丁券亦無不一等（其實券

券皆一等也。得一等者自必至該館定報。蓋以該館定章先定報而後贈彩如得券而不定報者縱使一等亦不能得錢也。且必勉力定報一年（該館定章必定報一年贈券方發生效力）然後憑券取錢。方取出時見者無不大喜。果燦然之金錢也。迨後一加研究不過值洋兩元之銅鑲耳。始知受給而已。無及未幾黑幕破。該館復專注其意於遠埠。收到定報洋元之後即如斷綫風箏。雖銅鑲亦無蹤影。以是該館開設三數月定報之收入頗不鮮。轉瞬即倒閉。隨之報且烏有。遑論乎錢名譽掃地。誠我報界之公敵也。

生可曰。某小報之騙局實臻上乘。以其專騙聰明人入彀也。先送券後定報之辦法至妙。狡黠者流方自以爲如見券係一等則往定報。如見二三等即不往定。豈知此亦一等。彼亦一等。遂使得券者無人而不上其當也。然而個中玄妙以視錢券又小巫見大巫矣。

橡皮股票之黑幕

江頭人

商工業各項公司出售股票聽人購買儲爲該公司之資本而得認爲股東利害相共彼此相維法至善也。執票者輾轉買賣亦法律所不禁。而因公司營業或其名譽之盛衰隆替致股票價值時有高低。往往股票騰貴時竟有超過票面原定資本之數倍乃至數十倍者。點者於此遂利用股票以爲欺騙。而其影響且及於滬埠商業之盛衰。噫關係亦鉅矣。六七年前上海市面金融最爲活動遠不如今日。

銀根枯緊之聲喧騰。人口各項商家均有現銀缺乏之患。然今日滬埠現銀所以缺乏者。雖亦有近因數端而實則由於前某年有某外國人以股票局騙去數千萬金爲一大遠因。前某年有某國商人來滬。其居處服用騁從交遊。異常闊綽。而矜重。攜有鉅金額之股票。據云渠曾在南洋某島以數十萬金購地種植橡樹。設有最大之橡皮公司。茲特攜該公司招股簡章及股票來滬出售。其股本額定每股五萬元。每小股五千元。於是登廣告佈章程。而所有股票均交滬上信用最昭聲譽最著之外國某大銀行託爲代售。初時一般人不免徘徊觀望。稍有遲疑不肯遽購。未幾卽有人按其章程所言南洋某處公司及橡樹地點所在。通電往詢。及得覆均一一實在不虛。又未幾該票價飛漲。奇貴大有供不給求之勢。曾幾何日而存於某大銀行代售之股票。竟售罄矣。滬上一般人士至是乃被誘動貪慾。垂其涎熱。其中如蟻慕羶如蛾撲火。咸謂大利所在不可坐失。機會互相爭購。惟恐稍後而票價因之愈貴。然票愈貴而購者愈多。嘗有輦載鉅金到處覓訪此項股票之出售者。而不可得。蓋該票價初騰貴時卽有多財善賈者視爲奇貨。先墊鉅金躉購若干萬金之票。然後陸續分售於人以博取贏利。一轉移間坐致大利。甚至一股票也。一旦夕間已轉售四五人之手。而價目節節增高。其盛時茶坊酒肆妓館戲園等地往往賓朋滿座。冠帶整齊。興高采烈。忽有神色匆匆之人。寥寥直入假坐席隅。與座客喁喁耳語。而客竟興辭偕去。如是者隨時有之。酒未三巡而座客無端辭去者。殆盡爲主人者大爲掃。

與失意雖竭力挽留之不可得也是何也蓋外來之客卽探聞某人有橡皮股票若干將出售速往尙可購得稍遲卽歸捷足者有矣其售票之利市及爭購情形有如此此其價值之必超過票面原定股本數至於若干倍可揣想而知矣蓋此際滬濱人士因握有此股票居奇而暴富者不知凡幾然而其後又因握有此股票不能居奇而暴貧者亦不知凡幾夫滬上出售公司股票者亦夥矣何獨此橡皮股票乃能如此昂貴哉是大有故先是某國人來滬時攜有最鉅之款大約足可購此項股票數倍之數既而將此股票交某大銀行代售此銀行最爲滬地商人所信仰者已足誘起購者熱心矣彼某國人乃祕密分派若干人授以機宜暗攜鉅款陸續向該銀行購回股票於是朝往購焉夕往購焉甲往購焉乙及丙丁戊己等亦均往購焉且也今日照原價購焉明日則倍其數購焉又明日更倍其數購焉以是不久卽將該票售罄且不久卽將票價提高而不知所有股票既皆售與所祕使之甲乙丙丁戊己等人之手而此時票價則甚高矣滬人之垂涎數尺爭購之慾亦極矣於是乃統計照此時價完全轉售之可得若干萬金遂出其脅誘操縱之妙腕次第出售之或猶嫌不足更暗中使人再行購回俟價更高時再售之或更三次購回而三次售之總期售得最滿意之鉅款而後止及其最後該股票所售得股本金竟達數千萬而當時滬人并不知此中黑幕也猶彼此輾轉相買賣彼某國人慾壑既盈乃席捲而去如黃鶴矣彼既去後滬上人買賣橡皮股票仍狂熱不休也及其既久此股票之主體

者既去所有買者賣者均不過我國人輾轉買賣數次衆亦漸覺其不能如前之得善價由是接購者日漸少而價亦日漸低然而某國人一去不復返即亦不計滬埠商業根本之榮枯如何而彼所持之根據理由則仍無以破之也設有追至南洋某島就該公司而詰究之彼將曰吾固實有此公司實購有土地實種有橡樹也不過樹未長成耳綜計其購地種樹設公司約不過數十萬金其資本僅此而已蓋不必計將來橡樹得利若何而此番用股票騙取之數千萬金早已獲利百倍矣噫生可曰商戰足以覆人國而況更挾騙術以濟之乎嗚呼滬商一之爲甚矣

掬客之黑幕

江頭人

滬上滑頭營業不一而足茲所述者掬客營業中之滑頭也掬客卽商場經紀爲人介紹買賣而分得扣頭若干成分者也願掬客不一有流動掬客有固定掬客流動掬客者常於貨主處取樣貨爲覓售主或約售主到貨主處看貨而後議價成交者也固定掬客則自設肆店而并無資本惟向各貨主處取貨堆積肆中陸續售貨陸續繳值彼所有資本僅租賃之店屋與裝飾門面之玻璃字畫電燈電話等而已滬上商號屬此類者甚多徒見其門市輝煌炫目寶貨充填其中而不知實皆他人之貨彼不過一運銷手代派處耳某甲本蠻人子爲人便佞口給向以掬貨扣用爲生活與駐滬蘇杭嘉湖各綢緞幫來往爲之售貨初輩爲流動掬客約同售主到各號看貨議價成交稍久漸著其小忠小信各號

喜其人。誠許其攜貨樣往各處招攬主顧。而分取回扣。然某甲所覓主顧所售價值均較他客爲優。且每月必繳清貨值。無所欠各號。蒙利不少。益信其爲人。又久之。各貨主許其多攜貨去陸續售出。陸續值於是某甲習熟手腕。生意日盛。將成固定攤客矣。前清末年。乃於某界某里租屋數幢。并賃生財（滬語家具也）。安設電燈電話。張掛字畫等門戶。晶瑩華麗。懸號牌標號名列肆。而居儼然大商號矣。然信用既昭。膽智卽放。自是潮負欠各號貨值。各號仍以其忠信素著。招徠多利也。深信不疑。積零成整。所欠約萬餘金。維時忽起風謠。謂某甲之商號將涖浴（滬語倒閉也）。愈傳愈厲。各號貨主殊懼。然某甲固鎮靜往來。愈加親摯。未幾卽將積欠通盤繳楚。各號主由是歎某甲真天良人。謠傳甚不可信。而謠亦漸平。其實某甲此時不倒者。蓋大有故。有某乙者。甲之黨而老於騙術者也。當時某甲手握各號貨值萬餘金。已心動欲倒閉。乙戒之曰。時猶未至。卽今倒閉。則官司之苦。君必親嘗。蓋所欠之莊號少。而每號之債額多。計各號均欠至二三千金。如某某號者。局面大而家資富。君若倒。彼必提起訴訟。卽以應收君之二三千金作訟費。拚達目的。不追至勒繳不休。蓋債務重。彼決不輕捨也。若是則身幽圉。圖君何幸乎。必也故造風謠。而君佯爲鎮靜。誠實公然。全數償清。以堅各號信心。而後我等之計畫乃可於他日收全功。某甲深然之。從此廣續營業。逾年。攤貨愈多。來往莊號愈衆。又稍稍積欠。然抱定宗旨。每號至多祇欠至七八十元。必不過百元之數。又逾年。合計所欠各號之數。已有七八千元。鍊

手忽張宣布歇業。此第一次。忽浴也。雖然各號信之既久。今則相謂某甲倒閉。非同詐騙。實出不得已。又以所欠皆不鉅。縱追控無大益。且恐得少失多。遂皆隱忍。不勒索。實則某甲固盤算各號。而各號亦樂得饒人。亦緣愛其擱貨才。獲優價。廣招徠。暗中蒙利也。於是各自許其寬假。年限分期繳還。且更爲推廣。介紹蘇杭幫。機房俾某甲取貨。門途愈多。以是贊助其倒。興商業焉。捲土重來。而某甲之擱貨營業牌號。又高張矣。逾年又積欠各號約萬餘元。仍如上法。每號至多無過百元者。而此番則變其手段。矣。先是某甲肆中所存貨大半爲蘇杭兩幫商號之貨。至是既積欠至萬餘元。乃先將蘇幫貨全行便宜售出。肆內所存皆杭幫貨。於是使人向蘇幫各號密言。某甲行將倒閉。速往收取底貨。蘇幫人聞信。馳至某甲故爲慚惶。憂煎狀況。亟道迫不得已。行將歇業。向蒙公等厚愛。特先密告俾底貨可歸公等區區之心。聊藉此以答報。蘇幫人遂相率將所存底貨。席捲一空。不問爲何幫貨也。貨既空。公然忽浴矣。至是杭幫人始聞之急。至則僅一空肆耳。某甲忸怩對曰。幸見恕。某不幸負累深。至於歇業。然未嘗無底貨。且皆貴幫之貨。惜君等不早來。均爲撻足者。囊括以去矣。杭幫聞之大恚。怒痛詈。蘇人無禮。由是積恨。遂指控蘇幫兩幫。纏訟各執。理由糾葛不清。而蘇幫人不惟無所憎於某甲。且深感其先行密告。致得收捲底貨之私情。而杭幫人不惟無所怨於某甲。且必邀請其作證。人俾證明。蘇幫實捲取我幫之貨。某甲至是反居第三者。兩面爲好人。逍遙法外。徐徐以部署已事焉。亦云狡矣。此第二次忽浴。

也。久之兩幫。訟息均無。惡感於某甲。且存助人助到底之心。蓋必某甲貿易復興。庶幾債可望收。且利用其善於攬貨。實甚有益於己。號也。乃皆慫恿其重理舊業。於是某甲第三次開張矣。挫折愈多。經驗愈富。營業亦愈發達。從此攬貨如常。而貨主且較前倍增感情。亦加倍厚密。逾年又積欠至萬餘元。每號仍無過百元者。乃將其店屋前樓分租與人。而應召來租者。蓋卽某乙也。甲乙既同居。朝夕祕謀。必如何如何。方可收束。最後騙局。於是某乙特投某保險公司。認保火險二萬元。既保險後。數閱月。某乙居屋旁小室內。忽起火。雲時炎炎。熊熊祝融。肆威某乙及某甲所居屋。均付諸一炬。雖救火會奔馳施救。然屋宇無多。竟成焦土。當火熾時。保險公司馳至查看。則見某乙之婦徘徊路間。形色窘急。公司人疑其夾帶貴重物品。圖遁。令女傭搜其身。於衣袋中得金鐲二雙。并他金飾數件。按保險公司例。凡既保火險者。遇火起。不得攜帶貴重物品。潛出。然世有藉保火險爲名。圖騙賠款者。往往作弊。自焚其居。而凡如是舞弊者。既貪得賠款。必不肯於火時更奪物。攜出。茲某乙婦既夾帶金物。則人必斷其爲失。慎被災倉惶逃出之形狀也。然其夾帶物。既全爲公司搜去。則公司有不便不賠之勢矣。而不知皆某乙使婦爲之也。尤異者。火後由巡捕帶某乙入捕房。訊問據供。謂係火油燈失慎。延燒。并泣訴其保險證書。亦因深夜逃火。驚惶失措。恨未攜出。致同各物。化爲灰燼。然則賠款不可得。吾之家產。從此破盡也矣。捕房得此供。欲疑其舞弊。則保險經書。豈肯聽其遺失。焚去者。既焚去。證書則其毫無作弊之心。

可以表白矣。詎知保險公司爲顧信用廣招徠起見合各項查驗并無自焚情弊。雖某乙失去證書仍照原保之數賠償之。而二萬元到手矣。保險公司亦竟墮其術中。雖然某乙之焚屋者利己兼利他人也。醉翁之意在酒而不在酒也。蓋是火也殃及某甲居屋。其居屋卽其商肆也不特肆內存貨摧燒殆盡所有。竊據招牌圖章印信概付諸一炬。實則火起時某甲有心任令燬滅而事後則託詞夜深火盛覺遲驚極。但圖逃命不及搶物云云。自是各貨主聞信均來詰問莫不憐其被災財貨蕩然至其所欠貨值各貨主均以爲欠數不多不忍索償。殊不知對於各貨主雖無多數而合各貨主計之已成鉅萬矣。此第三次涖浴也。綜前後三次涖浴第一次騙法最穩第二次騙法最巧第三次騙法最毒共騙得資財約三萬金且牽連某乙亦騙得二萬元。技術誠高妙矣。至某乙自焚之安置法雖祕不得知然實具精心巧思其機關必異常靈捷。故火一發登時延燒屋之四周使救護者不克展其長而其供爲火油燈懸於樓梯下失慎致焚。火後果於樓梯處查得火油燈遺件是以公司信之。至某甲經三次涖浴祕密握鉅萬資財久之又飾窮運動復業。聞此人今猶在某界某路重理營業無恙。因其前後騙法知之者最少也。某君者與某甲同居一弄爲接隣者七八年親觀其前後情事甚悉述之如此。并云其屋被焚卽在去年某月火熄後聞某乙保險證書被焚又聞被拉入捕房莫不代爲扼腕。未幾閱釋出矣。又未幾聞保險公司照數賠之矣。皆大詫異。至某甲之姓名家世所居路名里名及其號牌名皆詳道。